

REGLUGERÐ FRAMKVÆMDASTJÓRNARINNAR (ESB) nr. 784/2012

2013/EES/16/31

frá 30. ágúst 2012

um breytingu á reglugerð (ESB) nr. 1031/2010 í því skyni að skrá uppboðsvettvang, sem Þýskaland tilnefnir, og leiðrétta 7. mgr. 59. gr. (*)

FRAMKVÆMDASTJÓRN EVRÓPUSAMBANDSINS
HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun Evrópuþingsins og ráðsins 2003/87/EB frá 13. október 2003 um að koma á fót kerfi fyrir viðskipti með heimildir til losunar gróðurhúsalofttegunda innan Bandalagsins og um breytingu á tilskipun ráðsins 96/61/EB⁽¹⁾, einkum 3. mgr. 3. gr. d og 4. mgr. 10. gr.,

og að teknu tilliti til eftirfarandi:

- 1) Með reglugerð framkvæmdastjórnarinnar (ESB) nr. 1031/2010 frá 12. nóvember 2010 um tímasetningu, stjórnun og aðra þætti í tengslum við uppboð á heimildum til losunar gróðurhúsalofttegunda samkvæmt tilskipun Evrópuþingsins og ráðsins 2003/87/EB um að koma á fót kerfi fyrir viðskipti með heimildir til losunar gróðurhúsalofttegunda innan Bandalagsins ⁽²⁾ er aðildarríkjum, sem ekki taka þátt í sameiginlegu aðgerðinni sem kveðið er á um í 1. og 2. mgr. 26. gr., heimilað að tilnefna sinn eigin uppboðsvettvang til að bjóða upp þeirra hluta af þeim fjölda losunarheimilda sem falla undir II. og III. kafla tilskipunar 2003/87/EB. Tilnefning slíkra uppboðsvettvanga er með fyrirvara um að viðkomandi uppboðsvettvangur sé skráður í III. viðauka samkvæmt þriðja lið 5. mgr. 30. gr. þeirrar reglugerðar.
- 2) Í samræmi við 4. mgr. 30. gr. reglugerðar (ESB) nr. 1031/2010 tilkynnti Þýskaland framkvæmdastjórninni um ákvörðun sína um að taka ekki þátt í sameiginlegu aðgerðinni, eins og kveðið er á um í 1. og 2. mgr. 26. gr. þeirrar reglugerðar, og að tilnefna sinn eigin uppboðsvettvang.
- 3) Hinn 9. mars 2012 tilkynnti Þýskaland framkvæmdastjórninni að það hygðist tilnefna European Energy Exchange AG („EEX“) sem uppboðsvettvang eins og um getur í 2. mgr. 30. gr. reglugerðar (ESB) nr. 1031/2010.

4) Hinn 22. mars 2012 lagði Þýskaland tilkynninguna fyrir nefndina um loftslagsbreytingar. Að auki hefur Þýskaland veitt framkvæmdastjórninni nánari upplýsingar og skýringar til viðbótar við tilkynninguna.

5) Fyrirhuguð tilnefning EEX sem uppboðsvettvangs, eins og um getur í 2. mgr. 30. gr. reglugerðar (ESB) nr. 1031/2010, samrýmist kröfunum í þeirri reglugerð og er í samræmi við markmiðin sem sett eru fram í 4. mgr. 10. gr. tilskipunar 2003/87/EB.

6) Í samræmi við e-lið 3. mgr. 35. gr. reglugerðar (ESB) nr. 1031/2010 má uppboðsvettvangur ekki misnota samninginn, sem hann var tilnefndur með, til þess að hafa ólögmat áhrif á samkeppnishæfni annarrar starfsemi sinnar, einkum að því er varðar eftirmarkaðinn sem hann skipuleggur. Þess vegna skal skráning EEX sem uppboðsvettvangs háð því skilyrði að EEX veiti hugsanlegum bjóðendum þann valkost að fá leyfi til að leggja fram tilboð í uppboðunum án þess að þurfa að gerast meðlimir eða þátttakendur í eftirmarkaðnum sem EEX skipuleggur eða á nokkru öðru viðskiptatorgi sem er starfrækt af EEX eða af þriðja aðila.

7) Þegar aðildarríki tilnefna uppboðsvettvang verða þau að taka tillit til þess, í samræmi við h-lið 3. mgr. 35. gr. reglugerðar (ESB) nr. 1031/2010, að hve miklu marki viðunandi ráðstafanir eru gerðar til að uppboðsvettvangur verði að afhenda allar efnislegar og óefnislegar eignir sem nauðsynlegar eru til að uppboðsvettvangurinn sem tekur við geti haldið uppboð. Mæla skal fyrir um slíkar ráðstafanir skýrt og tímanlega í útgönguáætlun sem uppboðsvaktari skal endurskoða. EEX skal móta slíka útgönguáætlun og taka ýtrasta tillit til álits uppboðsvaktarans þar að lútandi.

8) Uppboðsvettvangi er skylt að fá álit uppboðsvaktarans á aðferðafræðinni við beitingu 6. mgr. 7. gr. og 3. mgr. 8. gr. reglugerðar (ESB) nr. 1031/2010. Hafi uppboðsvaktari

(*) Þessi EB-gerð birtist í Stjtið. ESB L 234, 31.8.2012, bls. 4. Hennar var getið í ákvörðun sameiginlegu EES-nefndarinnar nr. 235/2012 frá 31. desember 2012 um breytingu á XX. viðauka (Um hverfismál) við EES-samninginn, sjá EES-viðbætur við Stjórnartíðindi Evrópusambandsins, biður birtingar.

⁽¹⁾ Stjtið. ESB L 275, 25.10.2003, bls. 32.

⁽²⁾ Stjtið. ESB L 302, 18.11.2010, bls. 1.

ekki verið tilnefndur áður en viðkomandi uppboð hefst er uppboðsvettvangnum þó heimilt að starfa án þess að hafa fengið álit uppboðsvaktara.

- 9) Því ber að breyta reglugerð (ESB) nr. 1031/2010 til samræmis við það.
- 10) Ennfremur skal leiðrétta tilteknar vísanir sem um getur í 7. mgr. 59. gr. reglugerðar (ESB) nr. 1031/2010.
- 11) Til að tryggja að uppboðin sem uppboðsvettvangurinn, sem Þýskaland kemur til með að tilnefna, heldur séu fyrirsjáanleg og verði á réttum tíma er brýnt að þessi reglugerð öðlist gildi sem fyrst.
- 12) Ráðstafanirnar, sem kveðið er á um í þessari reglugerð, eru í samræmi við álit nefndarinnar um loftslagsbreytingar.

SAMÞYKKT REGLUGERÐ ÞESSA

1. gr.

Breytingar á reglugerð (ESB) nr. 1031/2010

Reglugerð (ESB) nr. 1031/2010 er breytt sem hér segir:

- 1) Í 3. gr. bætist við eftirfarandi liður:

„44. „útgönguáætlun“: eitt eða fleiri skjöl sem eru ákvörðuð í samræmi við samninga um tilnefningu viðkomandi uppboðsvaktara eða uppboðsvettvangs, þar sem settar eru fram ítarlegar ráðstafanir sem er ætlað að tryggja eftirfarandi:

- a) millifærslu allra efnislegra og óefnislegra eigna, sem nauðsynlegar eru til að uppboð geti haldið áfram óhindrað og til að uppboðsvettvangurinn sem tekur við geti látið uppboðsferlið ganga snurðulaust fyrir sig,
- b) að samningsyfirvöld eða uppboðsvaktari, eða hvor tveggja, fái allar upplýsingar sem lúta að uppboðsferlinu og sem eru nauðsynlegar að því er varðar innkaupaferlið fyrir tilnefningu uppboðsvettvangsins sem tekur við,
- c) að samningsyfirvöld, eða uppboðsvaktari eða uppboðsvettvangurinn sem tekur við, eða hvers konar samsetning þessara aðila, hljóti tækniástoð sem gerir samningsyfirvöldunum, eða uppboðsvaktaranum eða uppboðsvettvangnum sem tekur við, eða hvers konar samsetningu þessara aðila, kleift að skilja, nálgast eða nota viðeigandi upplýsingar sem veittar eru skv. a- og b-lið.“

- 2) Í stað 7. mgr. 7. gr. komi eftirfarandi:

„7. Fyrir upphaf uppboðs skal uppboðsvettvangurinn ákvarða hvaða aðferð skal nota við beitingu 6. mgr. eftir að haft hefur verið samráð við uppboðvaktarann og álit hans á því fengið og lögbæru landsyfirvöldin, sem um getur í 56. gr., hafa verið látn vita.

Viðkomandi uppboðsvettvangur getur, milli tveggja tilboðsglugga, breytt aðferðum sínum eftir að hafa haft samráð við uppboðsvaktarann, fengið álit hans þar að lútandi og tilkynnt lögbærum landsyfirvöldum, sem um getur í 56. gr., um það.

Hafi uppboðsvaktari ekki verið tilnefndur a.m.k. einum mánuði áður en viðkomandi uppboð hefst er uppboðsvettvangnum heimilt að beita fyrirhugaðri aðferðafræði án þess að hafa fengið álit uppboðsvaktara.

Viðkomandi uppboðsvettvangur skal taka ýtrasta tillit til álits uppboðsvaktarans.“

- 3) Eftirfarandi undirgrein bætist við 3. mgr. í 8. gr.:

„Hafi uppboðsvaktari ekki enn verið tilnefndur a.m.k. einum mánuði áður en viðkomandi uppboð hefst er uppboðsvettvangnum heimilt að gera fyrirhugaða breytingu á tímasetningu.“

- 4) Í stað 6. mgr. 25. gr. komi eftirfarandi:

„6. Uppboðsvaktari skal gefa álit skv. 7. mgr. 7. gr. og 3. mgr. 8. gr. og eins og kveðið er á um í III. viðauka. Skila skal álitum innan hæfilegs tíma.“

- 5) Ákvæðum III. viðauka er breytt í samræmi við viðaukann við þessa reglugerð.

2. gr.

Leiðrétting á reglugerð (ESB) nr. 1031/2010

- Í stað 7. mgr. 59. gr. komi eftirfarandi:

„7. Viðskiptavinir bjóðenda, sem um getur í 1. mgr., geta beint kvörtunum sem þeir hafa varðandi samræmi við reglurnar um hegðun, sem um getur í 2. og 3. mgr., til lögbæru yfirvaldanna, sem um getur í 4. mgr., í samræmi við reglur um málsmeðferð sem settar voru vegna afgreiðslu á slíkum kvörtunum í því aðildarríki þar sem eftirlit er haft með aðilunum sem um getur í 1. mgr.“

3. gr.

Gildistaka

Reglugerð þessi öðlast gildi daginn eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 30. ágúst 2012.

Fyrir hönd framkvæmdastjórnarinnar,

forseti.

José Manuel BARROSO

VIÐAUKI

Í III. viðauka við reglugerð (ESB) nr. 1031/2010 komi eftirfarandi í stað töflunnar:

„Uppboðsvettvangur sem Þýskaland tilnefnir

1	Uppboðsvettvangur	European Energy Exchange AG (EEX)
	Tilnefningartímabil	Í fyrsta lagi frá 1. september 2012 til a.m.k. 31. mars 2013 og í síðasta lagi til 31. desember 2013, með fyrirvara um aðra undirgrein 5. mgr. 30. gr.
	Skilyrði	Aðgangur að uppboðunum skal ekki háður því skilyrði að gerast meðlimur eða þátttakandi í eftirmarkaðnum sem EEX skipuleggur eða nokkru öðru viðskiptatorgi sem er starfrækt af EEX eða af þriðja aðila.
	Skuldbindingar	EEX skal leggja útgönguáætlun sína fyrir Þýskaland til umsagnar hjá uppboðsvaktaranum innan tveggja mánaða frá 1. september 2012. EEX skal endurskoða útgönguáætlun sína innan tveggja mánaða frá viðtöku álits uppboðsvaktarans og taka við það ýtrasta tillit til þess álits. Þýskaland skal gera framkvæmdastjórninni viðvart um allar efnislegar breytingar sem varða samningsbundin tengsl við EEX.“